



ნ. ა. ბ. ფირცხალაშვილი


23.79

(ბაზარი)

არც მოთმინება მეყო და
 ვერცა გულს ბოღმა ჩავვალი..
 დაჰკარ შენ, ჩემო სამრეკლოვ, —
 რაც შეგიძლია, დაჰკარი!
 გულში რა ცრემლიც დანთქმულა,
 მთელ საქართველოს ეყოფა!
 გლეხის გლახობა სად თქმულა?! —
 გლეხისა თქმულა გლეხობა!
 იმისი ყანის შრიალი
 სიკვდილშიც მომეღანდება!..
 დღე თენდებოდა მზიანი,
 გლეხი რომ გედგა თავდებად!
 ახლა ის გლეხი სადღაა?!
 რა ბოროტებამ დაჯაბნა?!
 გლეხი ქალაქით დამფრთხალა, —
 სხვა ჰყიდის იმის ნაჯაფარს!..
 სხვამ სხვის წისქვილზე ჩამოფქვა,
 სხვამ დარდი სულ სხვას გაანდო!
 აბა, სხვამ გლეხის ნაოფლარს
 რა ფასი უნდა დაადოს?!
 არცა ამ სიტყვის შემრცხვება —
 მოდგა ქურდი და მბარავი!
 მამასისხლად რომ გვექცევა,
 არა, ის გლეხი არ არის!



— როგორ არის საქმეები?
 — ყველაფერი რიგზეა! —
 გვირცხვამენ და ჩვენც ვპასუხობთ
 ისე, როგორც რინგზეა.
 — მუშა?
 — მუშა კარგად ცხოვრობს,
 სასმელი და საჭმელი
 ყველაძე აქვს.
 ჰო, ისიც აქვს,
 რა ჰქვია? ტანსაცმელი!
 — კრება?
 — კრება ჩავატარეთ,
 „უნიტარზეც“ „ბიდეზეც“!
 ისიც ოქმში გავატარეთ, —
 „პირად ავტორიტეტზე“
 თქვენ რომ ბრძანეთ,
 იმ თათბირზე,
 ა, ის რომ ესწრებოდა,
 გახსოვთ? მერაბ თარიანის
 საკითხი რომ წყდებოდა?!
 — მდაა, კარგია!
 კვარტლის გეგმა?
 — გეგმა, ეგ არაფერი!
 ღირეპტორად კაცი მიზის —
 ჩიტს დაიჭერს გაფრენილს!
 ცოტა აქეთ, ცოტა იქით!
 მოკლედ, არ გაჭირდება!
 ახლა თქვენი მფარველობის
 ხელი მაგრა გვეჭირდება!
 ამ კვარტალში ბანანოვიჩი.
 პრემიასაც დავირტყამთ!
 ერთი კია: მოადგილე!..
 მოადგილე მკვდარი მყავს!
 — ხელსაც გიწვდით,
 გულსაც გიწვდით,
 ფიანდაზად გეგებით!
 მოადგილე მე არ ვიცი,
 მთავარია გეგმები!
 დაიხსომეთ! ჩაიწერეთ
 ყველამ გულის ტიტრებზე:
 „ფიქრი, ფიქრი, მხოლოდ ფიქრი
 პირად ავტორიტეტზე!“



საქართველო

ქიბა ფორმალის ინსალბებ

ხვალ ვიწვევთ კრებას! —
 ფორმალისში უნდა დავმარხოთ!
 საბედნიეროდ (არ დავმაღავ!),
 გვაქვს სატრაბახო!

მე გავხსნი კრებას,
 თქვენ გამოხვალთ, თამაზ კრებაზე,
 ილაპარაკებთ
 ჩვენი ქარხნის წარმატებაზე!

ჩვენს სახელოვან საქმეებზე
 ილაპარაკებთ!
 იტყვი, რომ პრესა
 ჩვენს მიღწევებს ხშირად არ აქებს!



თუ ქვეყანაზე
 გავჩენილვართ შრომის გმირებად, —
 წახალისებას უნდა სდევდეს
 სტიმულაცრება!

მიმდინარესთან
 იტყვი, ალბათ, პერსპექტიულსაც!
 ნუ გამოტოვებთ,
 ადგილკომსაც მისი მივუზღაო!

ტაშის გრიალში დამთავრდება
 თქვენი გამოსვლა!
 დანარჩენებიც
 საქებს ვიტყვი და საამოსა!

ამას, ყველაფერს,
 ჩვენი რიმა ოქმში შეიტანს,
 ოქმში, რომელიც,
 სადაც ჯერ არს, წავა ფრენითა!

ხვალ ვიწვევთ კრებას! —
 ფორმალისში უნდა დავმარხოთ,
 საბედნიეროდ, — არ დავმაღავ! —
 გვაქვს სატრაბახო!


ჯანსუღ
ჩარკვიანი

ფორიკა

სულხან-საბას
მიხედვით



ვითარცა გახრწნა მძორთა —
 გესლი გველთა და მძრომთა!..
 არ ეკადრება ქართველს —
 დარბაისელს და დამთმენს!
 არ ეკადრება რაინდს,
 რაც ეკადრება ცვედანს!
 „შური არს მწუხარება
 სხვისა კეთილსა ზედა“.
 არ არის საკადრისი
 შენი ჯიშის და გენის, —
 სხვისი შეწირულ სისხლით
 იდგე ორმოში ქერის!
 ქეშმარიტების ანბანს
 აქვს დედამიწის წონა!
 როგორც განმარტავს საბა —
 „შუღლი — სიტყუით ბრძოლა“.



— შენი იღბალი, ჩვენ დაგეგმავთ! სხვა რომ ყოფილიყო, ახა მალე დაგეგმა-
რებოდა?!

კ ა ჯ ე - კ ა ჯ ე

ხმა გავარდა, თბილისში ოთხი საბავშვო კაფე გაიხსნა. ბავშვები შინ საჭმელს აღარ ჭამენ, მთელი ღამე ტირიან, მშობლებს ეხვეწებიან, დილით კაფეში გვასაუზმეო. მივიკითხ-მოვიკითხეთ, მისამართები დავადგინეთ, ბავშვებს ხელი ჩავკიდეთ და გზას გავუღდექით. აქ ხომ ძველი თბილისის ლუღის დარბაზი იყო? დიას, მაგრამ „წიქარას“ ვაუჯაცობაც ეგ არის. არც ერთი რქა არ გადატეხია, ისე მიუწყნარებია ეს ღრეობის, ჩხუბისა და დავიდარაბის არენა. ასეთ ადგილებს დინოზავრებივით აქა-იქ შემორჩენილი საქმოსნები მკვდარ „ობიექტებს“ უწოდებენ. რაც მართალია, მართალია, მათთვის ეს ადგილი მკვდარია.

სურათები რძის ნაწარმს და ცივ კერძებს ჭარბობს, მაგრამ ეს კაფე, სხვა საბავშვო კაფეებთან შედარებით, ყველაზე კარგად გამოიყურება.

— ყველაფერი გვაქვს, ბატონო, მაგრამ ყველაზე მთავარი გვაკლია — ბავშვები. თოჯინების თეატრში ან მოზარდ მაყურებელთა რუსულ თეატრში თუ ვინმემ დააგვიანა, შეიძლება ჩვენთან შემოიაროს, თუ არადა, დიდები მაინც შემოდიან. არაყანი, მაწონი, კომპოტი და კისელი არც მათ აწყენთ. — ავტორიტეტული ტონით განაცხადა მეზუფეტემ.

მერცხლებივით აელურტულდნენ ჩვენი ბავშვები და სადილობამდე კიდევ ერთი საუზმე ბუნების წიაღში — კაფე „მერცხალში“ მოინდომეს. აი, აქ, კი იყო საჭირო წიქარას რქა, ჩარახულ-ჩაკეტილი, ჩალუქული კაფე რომ გავგელო. გამარჯვების პარკში, კაფე „მერცხალის“ წინ, მოწყენილობას დაესადგურებინა, ამ „სიციხეში“ მერცხლები თბილ ქვეყნებში გაფრენილიყვნენ. აქ წინათ „პურისმჭამელი“ ხალხი იყრიდა თავსო, ჩაილაპარაკა ვილაცამ.

ზოოპარკის ტერიტორიაზე, კავკასიური და თეთრი დათვების სადგომებს შუა, ფარდულია, სადაც ადრე, ჯერ კიდევ ზოოპარკის დაარსებიდან, სასაუზმე იყო. ფარდული იგივეა, მხოლოდ შეუღლებავთ, საბავშვო სურათები გაუკრავთ და, რაც მთავარია, მენიუ შეუცვლიათ. ახლა ხაჭაპური, ხაჭო, კომპოტი და სოსისი იყიდება. კაფე ჩვეულებრივი კაფეებისაგან მხოლოდ საბავშვო სურათებით განსხვავდება. მეზუფეტე ჩვენს დანახვაზე დახლიდან გამოვიდა და აულაგებელი სუფრის დასუფთავებას შეუდგა. თან თავისთვის ბუზლუნებდა: დამლაგებელიც მე ვარ, ჭურჭლის მრეცხავიც და მეზუფეტეცო.

ბავშვები ვერაფრით გავახარეთ, ვერც დავაინტერესეთ რამეთი და ახლა ფუნუკულიორის პლატოსაკენ გავსწიეთ. პლატოზე ერთ საბავშვო კაფეში ორი საბავშვო პავილიონი აღმოვაჩინეთ. პავილიონი № 1 და პავილიონი № 2. ათეული წლეუბის წინ აქ ნაყინი, ლიმონათი და ხანდახან სოსისიც იყიდებო-

და. ყველაფერი იგივე დარჩენილა, მხოლოდ პავილიონში ახლა რამდენიმე ნახატი და სიტყვა „საბავშვო“ იწონებს თავს.

ბავშვთა წელთან დაკავშირებით, „დიდი ცვლილება“ მომხდარა ფუნუკულიორის რესტორანში. პირველი სართულის ერთი დარბაზი ბავშვებისათვის დაუთმიათ, ხოლო იმავე სართულის ვერანდა — დიდებისათვის. აქეთ — ლიმონათი, იქით — ღვინო და შამპანური, აქეთ — არაყანი, იქით — არაყი და კონიაკი, აქეთ მაწონი, იქით — მწვადი. სამხარეულო და ბუფეტი დიდ-პატარებისათვის ერთია. საბავშვო დარბაზში შესული ბავშვი ჯერ, არ უნახავთ. ფოტოსურათები, ნახატები, სკამები და მაგიდები, ბავშვებს რომ შეეფერებათ, ისეთია, ბავშვებს ელიან და ელიან! უსახლვროა მათი მოლოდინ!

ს. გეგანიძე.

ნახ. ი. შინაშვილისა



უსიტყვოდ

პიონერთა ბანაკ „ტაშისკარის“ სავლეთ თეატრის სცენაზე სულ ტაშისკარი და ოვაციებით მიდიოდა სპექტაკლ „წითელქუდას“ გენერალური რეპეტიცია.

ფიცარნაგზე გაავეებული დაძრწოდა კბილებღალტენილი მგელი. რუხი მოსასხამიდან გაბანკგვლული თათები და კუდი მოუჩანდა, რაც მას უფრო შესაზარსანახავს ხდიდა. ამას, პირველ რიგში, თვით წითელქუდა გრძნობდა.

— ბები, ეგ რა დიდი ხელები გქონია!? — დაიწრობინა შიშნაკრავმა.

— ეგ იმიტომ, ჩემო ოროსანო, რომ კარგად მოგეხვით, — მგელმა თათები წაუბოტინა, მაგრამ წითელქუდა თვალსა და ხელშუა გაუხსლტა.

— ბები, ეს რა დიდი ფეხები გქონია!?

— ეს იმიტომ, ჩემო ჩურჩუტო, რომ უკეთ ვირბინო, — დაიღმუვლა მგელმა და ნახტომისათვის მოემზადა, მაგრამ კუდზე ფეხი დაიდგა, წაიბოროძიკა და ძირს ზღართანა მოადინა.

პირველმა წითელქუდამ იგრძნო, რომ მგელი აღარ გაინძრა, მკვლარივით ებღლო.

— მიშველეთ!.. მგელი კვდება! — იქაურობა შესძრა მისმა კვილიმა.

პიონერები მაშინვე სცენაზე აცვივდნენ და მომაკვდავს შემოეხვივნენ.

„ამ თვის ხელფასი აღებული მაქვს, სწორედ რომ დროა, ბანაკიდან თავი დავიძვრინო, — ფიქრობდა მგელი, — აბიტურიენტების მომზადებას კიდევაც მოვასწრებ... კარგია, უფროსები არ გვესწრებიან, ამ უტვინოებს იოლად გავაცუტურაყებ და ხვალვე თბილისში ამოვყოფ თავს... იმდენად ჩერჩეტები არიან, რომ კულტურული მგლის არსებობა სჯერათ...“

მგელი, ანუ დიომიდე შავსიაშვილი, ჭკუას საერთოდ არ აგულგბდა მათ, მაგრამ მისი ბინა, უფრო სწორად სარეპე-

მ გ ლ ი ს ს ი კ ვ ლ ი ლ ი

(„წითელქუდას“ ახალი ვარიანტი)

ტიციო ოთახი, მუდამ სავსე იყო ბავშვებით. თუმცა მოსწავლეებს თავში არაფერი რჩებოდათ, სამაგიეროდ დიომიდეს ემატებოდა წონაშიც, ზომაშიც, სიგანეშიც და სიგრძეშიც... სუქდებოდა და ბოლო ხანებში ჰაერიც კი აღარ ჰყოფნიდა.

აი, ასე მოხვდა დიომიდე, ბავშვების მოსიყვარულე გულის წყალობით, პიონერთა ბანაკში უფროს პიონერხელმძღვანელად. მზე მოეკიდა, ჩამოთხელდა, სახე ჩამოუჭკნა, კენჭურუს ჩანთასავით ეკიდა უკვე მომჩვარებული ღიბი, ახმახი და მკლავებგაბანკგვლული, პირწავარდნილი მგელი იყო და სწორედ ამის გამო მოუწია სცენაზე გამოსვლამ (რამეთუ სხვა ვერაფერში ჰპოვა გამოყენება)...

— ისე, სიკვდილი ბევრად ერჩია, — ჩაილაპარაკა ვიღაცა ბიჭუნამ.

— რას ერჩი, სულდგმულია მაინც, — შეიბრალა გოგონამ.

— მეტისმეტად ყალბი მგელი იყო, სულ არ გააჩნდა სცენური ნიჭი.

— ჰო, გარეგნობით ახდენდა ეფექტს, ისე ვერაფერი შვილი იყო.

— სამაგიეროდ იმპროვიზაციის უნარი ჰქონდა, — გამოესარჩლა დიომიდეს ნახშიანი გოგონა.

— მაინც რაში შეატყვე! როლი ცუდად ჰქონდა დასწავლილი, მაგრამ რრდი იბნეოდა, რაც პირზე მოადგებოდა... ღმერთო ჩემო, რაეზი აკადრა წითელქუდას!

„თვალეზი რომ გავახილო, გაჩუმდებიან, მაგრამ მერე აქედან თავს ველარ დავიხსნი... დაე, ილაპარაკონ“, — გაიფიქრა დიომიდემ და იქვე იგრძნო, რომ პაწია ხელი შემოეჭლო მაჯაზე, მიხვდა, პულსს უსინჯავდნენ.

— ტვინის შერყევის სიმპტომებია, — თქვა გოგონამ და ქუთუთოები გადაუწია. — აი, ხედავთ, თვალის კაკლები შუბლქვეშ აქვს შებრუნებული, ალბათ, ცნობიერებაც დაკარგა დაცემისას, საჩეზე გვაქვს რეტროგრადული ამნეზია.

დიომიდემ თვითონ წითელქუდას ხმა იცნო.

— ავერ, ცივი ტილო გადააფარეთ თავზე, ადგილიდან ნუ დასძრავთ! — ბიჭს ჩახრინწული ხმა ჰქონდა.

— სასწრაფოდ გლუქოზაა საჭირო და მაგნეზიის ხსნარი...

— ჩუმაღ, ხმაურიც ძნელი ასატანია ნისთვის.

— თუ მძიმე შერყევია, იოლად ვერ წამოუდგება, ტრავმა მეხსიერებისა და საერთოდ შრომის უნარის დაქვეითებას იწვევს.

— ჯერ სულ არ იყო ძმარო და...

„რაებს მიბედავენ?!“ — ბოლმა მოაწვა დიომიდეს და ზამბარასავით დაეკეცა შემომჭკნარი ღაბაბი, თავის წამოწვევა სცადა, მაგრამ ვერ შეძლო. — „მართლა შერყევია. რეტი... რეტროგრადული ამნისტიაა!“ — გაიფიქრა და გული შეულონდა.

ელგუჯა მერაბიშვილი

ღ ი ა ლ ო გ ი

— ბავშვები გყავთ?
— ოთხი.

— არა, ძმაო, ვერ მიგიღებთ! ოთხი შვილის პატრონს ეს პატარა საწყობი რას გეყოფა?!

გიორგი ღონდოლაძე

ლ ე ჯ ს ი კ ო ნ ი

ურიზო საქონელი — რიგში ჩადგომა რომ არ სჭირდება.

ღვინო — მძლოლის დამაძინებელი მტერი.

უთვისტომო — ვისაც თავისი წიგნი არ გამოუცია (არც ერთი ტომი).

ნ. იოსელიანი

ნ ა ქ ვ ე ს ე ბ ი


● **ავტობუსის** მძღოლმა დაიკვება: ჩემს გაჩერებებზე უფრო ბევრი ხალხი დგას, ვიდრე ბიუროკრატის მისაღებშიო.


● **ღეღამთილმა** ინატრა: ნეტავ, მეც ისეთი სიამეტკბილობით ვიყო ჩემს რძალთან, როგორც ზოგიერთი ავტონისპექტორი არის მძლოლებთანო.

● **მეჭრთამის** ფულის აღების საუკეთესო მომენტად თავისი დაბადების დღე მიაჩნდა.

გივი კილაძე

ნ.ხ. 3. კუტიანი





— კაცო, ჩვენმა შვილიშვილმა ფეხი აიღმა!
— ხელი არ გაუშვა, დედაკაცო, ეგეც ქალაქში არ გავშვებულ!



მოყვარე მოსული ღუშაანი

დიდაგული ჰიმალაის მარადიული თოვლით დაფარული მწვერვალების ზღაპრული სილამაზე ყოველ წელს ათასობით ტურისტსა და ალპინისტს იწვევს ნეპალში. თუმცა აქვე უნდა აღინიშნოს, რომ სტუმრები ნეპალის მოსახლეობას მაინცდამაინც არ ეპიტნავენ (მიუხედავად ტრადიციული სტუმართმოყვარეობისა). საქმე კი იმაში გახლავთ, რომ ჩამოსულნი ვერ იქცევიან ისე, როგორც სტუმარს შეეფერება, — პატივისცემით არ ეპყრობიან ქვეყანას, მის ისტორიულ ძეგლებს, მის ადათებსა და ჩვეულებებს. სწორედ ეს განაცხადა იუნესკოში კატმანდუს უნივერსიტეტის პროფესორმა

ქამალ ქ. შრესტჰამ. მოხსენებაში პროფესორმა ხაზგასმით აღნიშნა, რომ ტურისტულ ბილიკებსა თუ ალპინისტურ მარშრუტებზე მიმოფანტულია ათასგვარი ნაგავი და ნაყარნუყარი, — შუშის ნამსხვრევები, პლასტმასის ჭურჭელი, დამსხვრეული აღჭურვილობა (ეს ალბათ იმიტომ, რომ მომდევნო ჯგუფებს გზის გაკვლევა გაუადვილდეთ!). მთავარი ტურისტული ტრასა გაჭიმულია ასეულობით კილომეტრზე, იგი მიემართება კატმანდუდან ნამჰე-ბაზარში, შერბათა უდიდეს დასახლებაში. დოქტორ შრესტჰამს ცნობით, ეს გზა კი არა, ნაგვის ფართო ზოლია. ამას ემატება ულმობელი სტატისტიკა — კოცონებისათვის ყოველწლიურად გაჩეხილი 800 ტონა ხე-ტყე, კემპინგების ალაგას ერთიანად გადათელილი და გაჩანაგებული მცენარეულობა, გადათხრილი მთის ფერდობები, რაც, ადგილობრივ ფლორის განადგურებასთან ერთად, რელიეფის სტაბილურობასაც ემუქრება, იწვევს ქანების შლას და ალაგ-ალაგ მეწყერებს. აი, სტუმრობაც ამას ჰქვია! „მოყვარად მოსული მტერი ღუშმანზე ასჯერ უარესიაო!“ — ამბობს ძველი ნეპალური ანდაზა. თანამედროვე, ცივილიზებული ტურისტები ძალ-ღონეს არ იშურებენ, რომ დაამტკიცონ ეს უძველესი სიბრძნე.



კიწი დაუჩინებელი გიგლიოთეკა

ბავშვობიდან ნიჭიერი,
„ოქრო ბიჭი“ ერქვა კიწის,
ერთხელ, როცა გასართობად
წააწყვიტა თავი წიწილს,

გაუცინეს, მოეფერნენ,
განა მისცეს სასჯელს მძიმეს?
„ბავშვიაო, არ იცისო!“ —
აპატიეს... შეარჩინეს.

ზოგ-ზოგ კლასში ორჯერ ჩარჩა —
„დაუჩინებელი“ მამას ბიჭი.
კიწი რაკი მოიზარდა,
სხვა რამეშიც სცადა ნიჭი:

ორლობეში, მთვარიანში,
გადაუდგა თურმე თინას,
შემოატრა ნაწნავები,
სულ თავბედი აწყველინა.

აპატიეს...
როგორც იქნა,
დაამთავრა ათი კლასი,
იმავე ზაფხულს გაიკითხა
ტყემლისა და ვაშლის ფასი.

თვითმფრინავით სურდა წასვლა
რუსეთს! განა „ვილისითა“?
მაგრამ ჯიბეცარიელი
დააბრუნეს თბილისიდან.

აპატიეს...
როცა ერთხელ
ჩაამტვრია კლუბში მინა.
აპატიეს...
როცა ერთ კაცს
ცხვირით მიწა ახვნევიანა...

სამსახურში მოაწყვეს და
კვლავ წაიგდო საქმე წინა, —
ოცდაათი ასიანი
უგზო-უგვლოდ გააფრინა.


კვლავ წამოდგა მამამისი:
„აბა, ეს რა ფულიაო!
ასე მღვდელსაც შეეშლება
ერთი ალილუიაო!“

აპატიეს...
მოახერხეს —
დაუფარეს კიწის ვალი,
მიაძინეს სამართალი,
აუხვიეს ორივე თვალი...

მაგრამ კიწიმ სხვისი ქისა
სანამ უნდა ანიავოს?
თქმულა:
„ცხვარი ცხვარია და
თუ გაცხარდა — ცხარიაო!“

ჰოდა, ერთხელ სამართალი
განრისხდა და გაიბრძოლა:
კიწიმ ფეხი წამოკრა და...
მამამისიც გაიყოლა.

საზოგადოებაში ჩვენი ყოფა იმგვარი უნდა იყოს, რომ ვინმემ საჩივარი არ დაგვიწეროს. ამას რა სჯობია, თუკი ხელს არ შეგვიშლის ზოგიერთი ადამიანი, რომლის ყოველდღიურ საქმიანობაში ჭეშმარიტების დაცვა შედის, მაგრამ უკუქმედებას მიმართავს. თავისი და სხვათა ინტერესების გამო აფუძნებს კონსერვატიულ წესებს; აბუჩად იგდებს ნაწარმოებულ გულისტკივილს, რაც იწვევს განცხადების ცნების გაუც...



ანექსიამდე

ხოვბას. არაობიექტურობით გაწვილებული მომჩივანი კი წერს და წერს. ასეთი ატაცება ხანდახან თხუთმეტი-ოცი წელი გრძელდება და მხოლოდ უწყებათა თაროებს ამძიმებს, აბა, სხვა რა შეუძლია?!

როგორც ჩანს, „ღვწომოსილ“ საჩივრებს იუბილეების გადახდა თუ უშველის!

ჭეშმარიტად რომ იუბილეს ღირსია ქ. ქუთაისში, ძერჟინსკის ქ. № 8-ში მცხოვრები ვლ. მიხაილოვის განცხადება, რომელსაც ასპარეზზე გასვლის ოცი წელი შეუსრულდა და დღენიდაგ ამას გაიძახის: დიდი ხნიდან მიხაილოვის ერთი მეტრი და ოცი სანტიმეტრი სიგანისა და ოცდახუთი მეტრი სიგრძის მიწა ქუთაისის საქალაქო აღმასკომმა 1958 წელს ო. პ. მესხორაძეს უკანონოდ მისცა, რის გამოც ვლ. მიხაილოვს მოესპო მზის სხივთა ცილიც და საკუთარი სახლის სადრენაჟო კომუნიკაციებით სარგებლობის საშუალებაცო.

განცხადების იუბილესთან დაკავშირებით, მესხორაძეები მიხაილოვების ფანჯრებს ქვის სროლით ესალმებიან, რაც საინტერესო სახანაობად იქცევა ხოლმე მეზობელთათვის.

საიუბილეო დღეებში სასაჩივრო ხელოვნებაზე ისაუბრეს აღმასკომის თანამშრომელმა ა. მამალაძემ, საქალაქო აბჭოს დეპუტატებმა: თაბაგარმა, ფურცხვანიძემ, სახანძრო რაზმელმა ჯანჯალიამ და ქუთაისის მთავარმა ეპიდემიოლოგმა სალუქვაძემ. მათ დაადგინეს, რომ მესხორაძე მიწის მიმთვისებელია და თავისი ტყვიაგუმტარი ლითონის გალავნით ჩრდილს აყენებს მიხაილოვის ფანჯრებს (იხ. ფოტოები!).

იუბილარის დასკვნით საღამოზე წაიკითხეს ქუთაისის პროკურატურის მილოცვები, მიმართვები, რეცენზიები, სადაც მკვეთრად გამოისახა მესხორა-

ძის მიწამჭამელობის უგემოვნო დეტალები და სამეზობლო საზღვრების უხეში დარღვევა.

ოცი წლის მანძილზე ქუთაისის აღმასკომი მესხორაძეს ელოლიავენა, იქნება თავისი სურვილით დააბრუნოს მიწა! მაგრამ ამაოდ, იგი აგრესიულია და მასთან „მშვიდობიანი“ მოლაპარაკებით არაფერი გამოდის.

იუბილარი განცხადება ცამდე მართალია, მაგრამ კაცი არაა ქუთაისში, რომ სიტყვა საქმედ აქციოს, ე. ი. მიხაილოვებს მიწა დაუბრუნოს.

მიხაილოვს განცხადებების წერის ოცი წლის მანძილზე საქალაქო აღმასკომი არავითარ ყურადღებას არ აქცევდა. განცხადება - საჩივარი ჯერჯერობით ფრთების გაშლის ხანაშია და მას დიდი შემოქმედებითი წარმატებები ელის. იმედია, „ნიანგი“ მისი ორმოცდაათი წლის იუბილესაც დაესწრება და უფრო ფართოდ გააშუქ-გამოამზეურებს.

ქუთაისური საჩივრების საიუბილეო კომიტეტი მხოლოდ მიხაილოვების განცხადებებით კი არ იფარგლება. მას გადაწყვეტილი აქვს, ახლო მომავალში დაწერიდან ათი წლის იუბილე გადაუხადოს ჩელუსკინელთა ქ. № 34-ში მცხოვრებ გრიგოლ ქობულაძის განცხადებას, სადაც აღწერილია გ. ქობულაძის და მისი ყოფილი მეუღლის ქეთევან გიორგაძის გაყრა, რასაც მოჰყოლია მათი საცხოვრებელი სახლისა და 5308 კვადრატული მეტრი საეზოვე მიწის გაყოფის რიტუალები.

ოფიციალური გაყრიდან უკვე ექვსი წელი გავიდა და აღმასრულებელმა მოსაშვილმა ყოფილ ცოლ-ქმარს ვერა და ვერ გაუყო საკარმიდამო. იქნება იმიტომ, რომ ქ. გიორგაძე სასამართლოს დამლაგებელია და მისი ეხათრება?!

ქ. წულუკიძიდან მოსულმა ანექსიამდე წერილის ავტორმა აქედანვე უნდა იცოდეს, რომ მისი საჩივრის იუბილე არ შედგება, რადგანაც მისი ნაწარმოების გმირები დაღამი ჩიქოვანი (სოფ. გორდის მეცხოველეობის საბჭოთა მეურ-



ანექსიის შემდეგ

ნეობის ყოფილი დირექტორი) და მისი პირადი მდივანი დასჯილნი არიან.

რა დასაძალია და, საქართველოს ყველა კუთხეში არსებობს ამგვარი საიუბილეო კომიტეტები, რომლებიც უანგარო და ანგარებით შრომას ეწევიან მომჩივანთა შორის. საიუბილეო კომიტეტებს შევასხენებთ, არ გამოჩინეთ საჩივართა უპასუხოების დღესასწაულები!

**მ. მიხაილიძე,
ა. ავთანდილაძე.**

ნახ. პ. დინსაძისა



„...და უკუეთო მარჯუნი ხელი შენი გატლუნებდას შენ, მოიკვეთე იმი და განაგდე შენგან, რამეთუ უმჯობეს არს მარცხენა (ლავი)“.

„ამხანაგო“

ზოგ-ზოგი ნამდვილად გამაგიჟებს, თითქოს ერთ ენაზე ვლაპარაკობთ, ერთ დროს დავიზადეთ, დავიზარდეთ, ერთურთს ვერ ვუგებთ და... ვამხანაგობთ!

ქუჩაში თუ შეგხვდა — შეგაჩერებს, გკითხავს: „საითა ხარ, ამხანაგო?!“
ეტყვი: „იქეთა ვარ!“ — თავს აიწვევს, ცდილობს, თავისი რამ დაგახარბოს.

ჩაივლის — ჩაივლი... დროს გაჰყვები, ჰგონია — კაცად სთვლი — სათამაშოს...
ოდესღაც შეგხვდება, ისევ გკითხავს: „საით დამეკარგე, ამხანაგო?!“

ჩაივლის — ჩაივლი... დროს გაჰყვება...
წლებს მისდევს — თავისად სათაყვანოს...
იცვლება მოვლენა, ძირს აგდებენ, იმასთან აღარავინ ამხანაგობს!...

ჩაივლი... ვიღაცა დაგიძახებს:
„ერთ წუთას — ძმაო და ამხანაგო!“
მოხედავ — შორსაა... ვერ გეწივს...
ეჰ, ვინ ვისთან როდის ამხანაგობს!..

მირანგულ ამსახანიშვილი

წერილი ქიანსა

„სპრი“

ლალატია, ლალატი! და ისიც სად? თეთრ სახლში, პენტაგონში, სახელმწიფო დეპარტამენტში! ნუთუ თქვენ ვერ ხედავთ, რომ ჯ. კარტერი, ს. ვენსი და ჰ. ბრაუნსი მოსკოვის აგენტები არიან და ვენაში ხელმოწერილი ხელშეკრულების ძალით ეხმარებიან კომუნისტებს აგრესიული გეგმების განხორციელებაში?

დღეს მივიღე გელპარის საზოგადოებრივი აზრის ინსტიტუტის გამოკითხვის ფურცელი. მათ სურთ გაიგონ, თუ რას ვფიქრობ მე „რუსების ცდაზე, დაიპყრონ აფრიკის ნაწილი“. რას უნდა ვფიქრობდე? მე ვუბნახებ, რომ საჭიროა ალვადგინოთ „შეერთებული შტატების სამხედრო უპირატესობა საბჭოთა კავშირთან შედარებით“, ასე არ არის? ამის შესახებ ხომ ყოველდღე ვკითხულობთ გაზეთებში!

მაგრამ რუსები მხოლოდ აფრიკას რომ დასჯერდებოდნენ, რა გვიშავს. ეს კარგად იცის „ნიუ-იორკ ტაიმსს“ მიმომხილველმა ბერტმა, რომელიც გვაფრთხილებს, რომ „რუსები ამხადებენ ამერიკელთა რაკეტების მოულოდნელ ნოკაუტირებას“.

ან ავიღოთ ევროპა. განა თქვენ არ იცით, რა მდგომარეობა შეიქმნა აქ? მაშინ მოუსმინეთ ბელგიელ გენერალ კლოზს: „რუსები მზად არიან წამოიწყონ მოულოდნელი თავდასხმა დასავლეთ ევროპაზე და 48 საათში გადალახონ რაინი“.

მოსკოვი არც საბრალო იაპონელებს ინდობს. ხალხს, რომელიც ჩაგნ ასე გაგაბდნიერეთ 1945 წელს ხიროსიმასა და ნაგასაკში, ახლა დაპყრობით ემუქრებიან. წაიკითხეთ თუნდაც ტოკიოში გამოცემული წიგნი „რუსები გადმოსხდნენ“: „80-იანი წლების დასაწყისში საბჭოეთი მოახდენს იაპონიის ოკუპაციას“.

ახლა ამას დაუმატეთ რუსებისა და კუბელების მიერ ნიკარაგუაში საბრალო სამოსას წინააღმდეგ წამოწყებული აჯანყება და თქვენთვის ნათელი გახდება მოსკოვის გლობალური აგრესიის ხასიათი. ნუთუ თქვენ ყოველივე ამას ვერ ხედავთ? ნუთუ ფორესტოლია*) საჭირო, რომ ამერიკის ქალაქების ქუჩებში საბჭოთა ტანკები შევიწინოთ?

ასეთ ვითარებაში საჭიროა, ვიმოქმედოთ სწრაფად და ენერგიულად: კარტერს — იმპიჩმენტი, ვენს — გაზის კამერა, ბრაუნს — სამხედრო ტრიბუნალი. პრეზიდენტი უნდა გახდეს ჰენრი ჯექსონი, ვიცე — ბარი გოლდუოტერი. თეთრი სახლი ყვითლად უნდა გადაკლებოთ და მის ფასადზე ფორესტოლის (შეიძლება მაკარტიის) პორტრეტი გამოკიდოთ. როგორც ცნობილია, ყვითელი ადვილად გადადის ყავისფერში, ხოლო მაკარტი ულვაშების გარეშეც არაფრით ჩამოუვარდებოდა ფიურერს.

ასეთია ჩემი მოსაზრებანი, რომლებმაც ამერიკა დალუპებისაგან უნდა იხსნას.


ღრმა პატივისცემით

მუღამ თქვენი

იანაი დუდლი“.

წერილში მოტანილი ციტატების დედანთან სისწორეს ვადასტურებ ელზარდ მენაზღე.

*) ფორესტოლი — ამერიკის თავდაცვის ყოფილი მინისტრი; ყველგან საბჭოთა ტანკები ეჩვენებოდა, გაგიყდა და ცათამბჯენის სარკმლიდან გადაეშვა.



უსიტყვოდ

დაბეჭდილის სვალდაკვარ

„მოგაზურობა მომსახურებაში“ — ასეთი სათაურით ურნალ „ნიანგის“ მიმდინარე წლის მე-9 ნომერში დაბეჭდილ წერილში მხილებული იყო ვაჭრობის წესების დარღვევის ფაქტები ანსლანის რაიონის სავაჭრო ობიექტებში.

საქართველოს კბ ახალციხის რაიონის მდივანმა ანს. მ. ქაჯიამ რედაქციას შეატყობინა, რომ წერილში მოტანილი ფაქტები სინამდვილეს შეეფერება.

აღნიშნული საკითხი განიხილა რაიონის ბიურომ. ქალაქვაჭრობის დირექტორს რ. სანდროსოვს და რაიკოოპერატივის გამგეობის თავმჯდომარეს ე. მოსაშვილს სავაჭრო ობიექტებზე კონტროლის მოღუწეობისათვის დაედოთ პარტიული სსსჯელები.

ასევე დაისაჯნენ რაიონიერმაღის გამგე ბ. გელაშვილი, სექციონერები ვ. ივანიძე, ბ. სარქინიანი, მ. მამაღლიძე.

ბიურომ დასახა რიგი ღონისძიებანი ახალციხის რაიონის სავაჭრო ქსელში არსებულ ნაკლოვანებათა აღმოფხვრისათვის.

აგრეთვე დაისვა საკითხი ა/კ რკინიგზის სამმართველოს წინაშე — ვალე-თბილისის მატარებელზე მგზავრთა კულტურული მომსახურების გაუმჯობესების თაობაზე.

* * *

„ბარათები ნიანგს“ — ამ სათაურით ურნალის მე-6 ნომერში დაბეჭდილი კრიტიკული შენიშვნა ეხებოდა ლაბოლანის რაიონის სოფელ ცოდნის აბანოს მშენებლობის გაჭიანურების ფაქტს.

ლაგოდნის სახალხო დემუტატთა რაიონული საბჭოს აღმასკომის თავმჯდომარემ ანს. ა. კახანაძემ რედაქციას მოსწერა, რომ სოფელ ცოდნის აბანოს აშენებს ლაგოდნის კალინინის სახელობის კომმუნისტური ნაგებობა, მშენებლობა გაჭიანურდა სამშენებლო მასალების უქონლობის გამო.

რაისაბჭოს აღმასკომმა კომმუნისტურ ნაგებობას აბანოს მშენებლობისათვის გამოუყო სამშენებლო მასალა. მშენებლობა დამთავრდება მიმდინარე წლის ბოლომდე.

მთავარი რედაქტორის მოადგილე ზაურ ბოლქვაძე სარედაქციო კოლეგია: ჯ. კახიანი, ჯ. ლოლუა, ბ. ლომიძე, ნ. მალაფონია (მხატვ. რედ.), ბ. ნიუნიანიძე, ბ. სისაბულიძე (პ/მგ. მდივანი), ბ. ზირცხალავა, მ. ზალიძე
● ტექნიკური რედაქტორი მ. კუხალაშვილი, ● საბირისა და იუმორის უზრუნველ „ნიანგი“ ● თბილისი, რუსთაველის პროსპექტი № 42, საქართველოს კბ ცკ-ის გამომცემლობა, გადაეცა ასაწყობად 23/VI 79 წ., ხელმოწერილია დასაბეჭდად 5/IX 79 წ., ქალაქის ზომა 70x1081/3 ფიზიკური ნაბეჭდი ფურცელი 2. საიდრიცხო-საგამომცემლო თაბანი 1.7 ● საქართველოს კბ ცკ-ის გამომცემლობის სტამბა, თბილისი, ლენინის ქ. 14. ● შეგ. 2014. უფ. 00791. ტირ. 144.000 ტბილისი, პრ. რუსთაველი № 42, სატიკო-იუმორისტისკი ჟურნალ «ნიანგი», ● Издательство ЦК КП Грузии. ● Типография Издательства ЦК КП Грузии, Тбилиси, ул. Ленина № 14.
ტელეფონები: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდებათ.

ნახატი თემების ავტორები: ბი: მ. კუსტა, მ. აბაშიძე, ი. ყიფიანი, ა. გრამე, ჯ. დეიხანი, ბ. ლომიძე, მ. მქე-ლიშვილი, ი. ყიფიანი.

ნახ. ზ. ლომიძისა



იაპონელ მეცნიერებს უნდა უმაღლოდენ ის ადამიანები, რომელთაც ღამე ძილი გაუკრთებათ ხოლმე და თვალსუფილი არ ეკიდებათ. ეს ხშირად სულაც ნერვების ბრალია, და ამიტომ იაპონელმა მედიცინის მუშაკებმა დაადგინეს, რომ ათასგვარი და ნაირ-ნაირი ძილის მომგვრელი ტაბლეტების ნაცვლად, სჯობია ოთახში შეაფრქვიონ სპეციალურად მომზადებული ბანგი. ახალი პრეპარატი უკვე გამოჩნდა აფთიაქებისა და მაღაზიების თაროებზე აეროზოლის პულვერიზატორებში ჩატუმბული და შესანიშნავი ძილის მომგვრელი რეკლამით დამშვენებული. დააჭერს თითს ღილაკს პაციენტი და მშინვე გაეხვევა ძილ-ბურანში, სამი წუთის შემდეგ ტკბილად, ღრმად ჩაეძინება.

ეს ყველაფერი ძალიან კარგია, მაგრამ შეიძლება გამოდგინდეს არ იყოს ჩაძინებისათვის ტკბილი... თუ ეს პრეპარატი ქურდებს ჩაუვარდებათ ხელში... „რაც არ არის გამორიცხული“ — დასძენს ერთ-ერთი იაპონური გაზეთი.



ულანო რომ გაულანურას?

ამ ბოლო ხანებში ამერიკის შეერთებულ შტატებში, შტატ არიზონას უდაბნოს სპეციალური მცველები დაუყენეს, ფორმით, ხელკეტით და, თუ გნებავთ, იარაღით აღჭურვილი ბრიგადები. არა, არ გვეგონოთ, რომ არიზონაში ოქროს საბადოები აღმოჩნდა, ან ნავთობი ამოხედა! უდაბნოს წვრილფეხა ქურდებისა და გამველე-გამომველელებისაგან იცავენ. ეს არის და ეს. მერედა, რა აქვს უდაბნოს დასაცავი? იკითხავს ზოგიერთი. საქმე იმაშია, რომ ამერიკელები მოდის მიმყოლი ხალხია. ამ ბოლო დროს კი მოდაში შემოვიდა... კაქტუსი. თქვენ თინის ქოთნებში ჩადგმული პატარა კაქტუსები არ გვეგონოთ. როგორ გეყადრებათ! აქ ლაპარაკია თორმეტმეტრიან კაქტუსის ხეებზე. აბა, ის რა ოჯახია, თუ ჰოლში ან სასტუმრო ოთახში 8-10-მეტრიანი კაქტუსი მაინც არაა გაბარჯული! ამიტომ ამ მოდის თაყვანისმცემელი დიდ მანძილებსა თუ სიძნელეებს აღარ ერიდებიან, მიდიან არიზონაში და უწყალოდ ძირკვავენ უდაბნოთა მშვენიერებას — გოლიათ კაქტუსებს. სპეციალისტთა აზრით, მცენარეთა თითქმის 2/3 უკვე განადგურებულია, რაც სერიოზულად დაარღვევს ეკოლოგიურ წონასწორობას.

ისე რომ, უდაბნოს გაულანურება ემუქრება! რას იზამთ, მოდა — მოდა!



გარი გოლდენი

რავო არ ვარხუბაგი ოფისიანგ ქალავს

მე პრინციპულად წინააღმდეგი ვარ იმისა, რომ საჩივრები უწერონ ოფიციალტ ქალებს, მით უმეტეს, აუტენონ ჩხუბი და დავიღარაბა. შეიძლება ცინიკმ თქვას, რომ ეს ვაჟკაცს არ ეკადრებაო, მაგრამ საქმე „კადრებაში“ არ ვახლავთ. მე ვიცი, რომ სამყაროში ჩვენი მზისნაირი მინიმუმ ოთხი მილიარდი მზე არსებობს. თანაც ეს მხოლოდ ჩვენს ირმის ნახტომში! ეს კი, მოგეხსენებათ, მთელი სამყაროს მცირე ნაწილია. მზეთა დიდი რაოდენობა ჩვენგან მილიონობით სინათლის წელიწადის მანძილზეა დაშორებული. ყოველ მათგანს აქვს თავისი პლანეტები, რომლებიც არაფრით ჩამოუვარდებიან ჩვენს ქებულ დედამიწას და ყველა თავისი დერძის გარშემო ციბრუტივით ტრიალებს. ახლა გოგანტი მზეები?! პირდაპირ შეგზარავთ იმის წარმოდგენა, რა გოლიათები არიან! ჩვენ კი ჩვენი პატარა მზეით, პაწაწკინტელა პლანეტებით, რაღა თქმა უნდა, ჩვენი ნამცეცა დედამიწით მიჭუჭუული ვართ საღლაც გალაქტიკის ერთ კუთხეში, თითქმის ქალაქგარეთ... უკაცრავად, გალაქტიკის გარეთ... დიას, და ამ მიყრუებულ კოსმიურ პაროცინციაში მაინც რამდენი რამ ხდება! პლანეტები დატურავენ თავის ორბიტაზე, მზე ხან ლაქებით დაიფარება, ხან გადაიწმენდავს სა-



ხეს, მთვარე ჩვენს ირგვლივ მოძრაობს... ამის წარმოდგენაზე გაგიუება შეიძლება! მაგრამ ჭერ სადა ხართ! ტელესკოპებს მიკრული მეცნიერები გვარწმუნებენ, რომ არსებობენ კიდევ სხვა უამრავი გალაქტიკები! გალაქტიკათა მთელი ჭუნგლები!

ყველაფერ ამის შემდეგ დირს რაღაც სულელური ამბის გამო ნერვების მოშლა?! კერძოდ იმი-სათვის, რომ ოფიციატმა ქალმა შეკვეთილი ბიფშტექის ნაცვლად ლანგეტი მოგიტანათ!

ინგლისურიდან თარგმნა
ზ. გამაზაშვილმა.